

801—802 deprecari^a velit intercessionem; vel etiam sanctissimi patris vestri Bonifacii cantare quis velit, et praesentiam illius piissimam advocare precibus. Haec omnia caritatis intuitu vobis dirigere curavimus; deprecantes humilitatem vestram benigne suscipere, quod plenissima caritate vobis dirigimus. Faciat quislibet de eis quodcumque placeat; et
 Rom. 14, 5. ne me reprehendat in caritatis officio. Unusquisque enim in suo sensu abundet, et
 semper faciat Deo placita et omnibus sanctis, quatenus cum illis perpetua visione domini nostri Iesu Christi frui digni inveniantur.

Mei memorem sanctam beatitudinem vestram dominus Deus in omni postulatione sancta exaudiat, et praesentem felicitatem futuramque beatitudinem vobis condonare dignetur, dilectissimi fratres.

Deprecor, ut nobis per litteras beatitudinis vestrae notum faciatis: si hae ad vos pervenerint^b litterae, et quid exinde vestrae placeat prudentiae. Quod meum est feci, caritatis implens officium in amore et honore domini nostri Iesu Christi.

251.

Alcvinus Oniae sacerdoti Candido presbytero Fredegiso diacono discipulis suis commentarium super Salomonis ecclesiasten dedicat. 801—802. 15

Codd. Monacensis 14614 (S. Emmer.) s. IX. fol. 16—17' (A), Paris. 12268 s. XI. fol. 83'—84 (G), Monacensis 14478 saec. XII. fol. 40—41 (E), Paris. 17400 saec. XII (N). Exstat etiam in cod. Harleiano 213 saec. X. fol. 2—3.

Edd. Quercetanus col. 309, Frobenius I, 410, J 187. — Migne col. 667.

DILECTIS^a IN CHRISTO FILIIS, ONIAE SACERDOTI¹, CANDIDO PRESBYTERO ET NATHANAELI^b 20
 DIACONO, ALBINUS^c PERPETUAE PROSPERITATIS IN DOMINO DEO^d SALUTEM.

Postquam de paternae pietatis nido in publicas saecularium negotiorum evolastis auras², mentis meae sollicitudo vestram omnibus pene horis^e occupationem comitata est, optans vos divina donante gratia^f in caritate^g perfecta, sanctarum titulis virtutum Deo placere, honestisque vivere moribus coram^h hominibus, et quod didicistis sub alis 25
 paternae eruditionis nobilibus ostendere moribusⁱ. Nec velim sapientiae decus, quod habetis in corde, seculi obscurari vanitatibus^k, inter quas religio vestrae conversationis fulgeat, quasi claritas^l lucis in tenebris. Mementote vos aliena dispensare, non propria possidere: de quibus ipsa veritas ait^m: 'Si in alieno fideles non fuistis, quod
 Luc. 16, 12. vestrum est, quis dabit vobis?' Alienae sunt a nobis huius seculi facultates, id est 30
 1. Tim. 6, 7. extra nostram sitae naturam. Nihilⁿ enim intulimus in^o hunc mundum, haud^p dubium, quia nec auferre quid possumus. Nostra autem possessio^q regnum caelorum, nostra vita Christus est, nostrae opes sunt spiritalium operum fructus: quas congregare vos, filii karissimi, omni intentione exortor^r: nec in incerto divitiarum sperare, quae aut deserunt possidentem, aut a possidente deseruntur. In quas mentis nostrae^s inten- 35
 Ps. 61, 11. tionem Spiritus sanctus per prophetam anhelari^t prohibuit, dicens: 'Divitiae si affluent, nolite cor adponere'. Quarum copia est aliorum inopia. De quibus et Dominus in

^a) deprecare *H.* ^b) pervenirent *H.*

251. ^a) dilectissimis *G, E, N.* ^b) Nathaeli *G* (et omisso *G, N*); Nathaheli *E*; Nataheli *N.* ^c) Alcuinus *G, N.* ^d) om. *N.* ^e) honoris *N.* ^f) clementia *G, N.* ^g) karitate *G.* ^h) coram hominibus 40
 om. *G, N.* ⁱ) consuetudinibus *G, N,* ubi lacuna sequitur verbaque Nec velim om. ^k) om. *G, N,* ubi lacuna videtur. ^l) om. *G.* ^m) dicit *N.* ⁿ) nichil *N.* ^o) in — mundum om. *A.* ^p) haut *G, N.*
^q) est add. *G, N.* ^r) exhortor *G.* ^s) om. *G, N.* ^t) anhelare *A, E*; anchillare *G, N.*

1) Cf. supra p. 351. 2) Cf. supra p. 393 ep. 245 ad Candidum et Nathanaelem missam: Sed nuper, de nido paternae edocationis educti, ad publicas evolastis auras. 45